

№7 (20 924)
19 ақпан,
2026 жыл, бейсенбі



Атырау

Облыстық қоғамдық-саяси газет

- @ Atyrau.gazeti
- atyrau_gazeti@mail.ru
- f Атырау газеті
- www.atr.kz
- «Атырау» газеті
- atyrau_gazeti
- Atyrau_news
- Атырау жаңалықтары

*Шағын және орта бизнес

Кәсіпкерлер қолдау күтеді



Коллаж жасаған – Дархан Қунышев

БҮГІНДЕ ШАҒЫН ЖӘНЕ ОРТА БИЗНЕСТІ ДАМУҒА ҮШІН МЕМЛЕКЕТ ТҮРЛІ БАҒДАРЛАМАЛАР МЕН ҚАРЖЫЛАЙ ҚОЛДАУ ШАРАЛАРЫН ЖҮЗЕГЕ АСЫРУДА. БЫЛТЫР КӘСІПКЕРЛЕРГЕ ҚОЛДАНЫСТАҒЫ МЕМЛЕКЕТТІК БАҒДАРЛАМАЛАР АЯСЫНДА ЖАЛПЫ СОМАСЫ 64,1 МИЛИАРД ТЕҢГЕ КӨЛЕМІНДЕ ҚАРЖЫЛАЙ ҚОЛДАУ КӨРСЕТІЛГЕН. ОСЫ РЕТТЕ БИЗНЕС САЛАСЫНА ҚАТЫСТЫ ӨЗЕКТІ МӘСЕЛЕЛЕРДІ ТАЛҚЫЛАП, КӘСІПКЕРЛЕРДІҢ ҰСЫНЫС-ПІКІРІН ТЫҢДАУ ЖӘНЕ АШЫҚ ДИАЛОГ ОРНАТУ АЙРЫҚША МАҢЫЗҒА ИЕ. СОЛ МАҚСАТТА ОБЛЫС ӘКІМІ СЕРІК ШӘПКЕНОВ ОБЛЫСТЫҢ БИЗНЕС ҚАУЫМДАСТЫҒЫ ӨКІЛДЕРІМЕН ДӘСТҮРЛІ КЕЗДЕСУ ӨТКІЗДІ. (Толығырақ 2-бетте)

*Кірістер департаменті

Ескі көліктің салығы аз

БҮГІНДЕ АТЫРАУДА 4 МЫҢНАН АСТАМ АДАМНЫҢ КӨЛІК САЛЫҒЫ БОЙЫНША БЕРЕШЕГІ БАР. ЖЕКЕ ТҰЛҒАЛАР КӨЛІК САЛЫҒЫН ЖЫЛ САЙЫН ТҮРҒЫЛЫҚТЫ ЖЕРІ БОЙЫНША 1 СӘУІРГЕ ДЕЙІН ТӨЛЕУІ ТИІС. АЛ МҮЛІК САЛЫҒЫ 1 ҚАЗАНҒА ДЕЙІН ТӨЛЕНЕДІ. ӨТКЕН ЖЫЛ ҮШІН ЕСЕПТЕЛГЕН МҮЛІК САЛЫҒЫН ТӨЛЕУ МЕРЗІМІ – 2026 ЖЫЛДЫҢ 1 ҚАЗАНЫНА ДЕЙІН. АТЫРАУ ОБЛЫСЫ БОЙЫНША МЕМЛЕКЕТТІК КІРІСТЕР ДЕПАРТАМЕНТІ БАСШЫСЫ ОРЫНБАСАРЫНЫҢ МІНДЕТІН АТҚАРУШЫ БИСЕН ЮСУБАЛИЕВ ОСЫ ЖӘНЕ ӨЗГЕ ДЕ ЖАҢАЛЫҚТАРДЫ АЙТТЫ.

– Салықты уақытында төлеу – әр адамның міндеті. Қазір көлік салығы бойынша 4 246 жеке тұлғаның 321 млн. теңге берешегі бар. Оның 226 млн. теңгесі – негізгі қарыз, 95 млн. теңгесі – кешіктіргені үшін қосылған ақша. Ал мүлік салығы бойынша 10 415 адамның 50 млн. теңге берешегі қалыптасып отыр, – деді Б.Юсубалиев.

Оның сөзінше, салық уақытында төленбеген жағдайда алдымен хабарлама жіберіледі. Егер берешек өтелмесе, салық бұйрығы шығарылып, іс жеке сот орындаушыларына жолданады. Кейін мәжбүрлі түрде өндіріп алу шаралары қолданылады.

Сондай-ақ Бисен Юсубалиев биылдан бастап күшіне енетін өзгерістер бойынша да сөз етті.

– Енді көлік ескі болған сайын салық азаяды. Егер жеңіл көлік 10 жылдан асқан болса, салық 30 пайызға төмендетіліп есептеледі. Ал 20 жылдан асқан көліктер үшін салық екі есе азаяды. Сонымен қатар шаруа қожалықтары бір пикап көлігі үшін енді салық төлемейді, – деді ол.

Бұдан бөлек қымбат мүлкі бар азаматтарға қатысты жаңа тәртіп енгізілді. Егер бір адамның барлық үйі, ғимараты және басқа да мүлкінің жалпы құны 450 млн. теңгеден асса, осы сомадан асқан бөлігіне 2 пайыз қосымша салық салынады. Яғни мүлік неғұрлым қымбат болса, төленетін салық та соғұрлым жоғары болады.

Бек АЙДАРӘЛИ



*Спорт

МИХАИЛ ШАЙДОРОВ ТАРИХИ ЖЕҢІСІНЕН КЕЙІН ӘЛЕМДІК РЕЙТИНГТЕ ҮЗДІК ҮШТІККЕ ЕНДІ.

Мәнерлеп сырғанаушы Михаил Шайдоров қысқы Олимпиада ойындарында алтын медаль иеленгеннен кейін Халықаралық коньки тебу одағының (ISU) рейтингінде үздік үштікке енді.

Рейтингте 5 410 ұпаймен америкалық мәнерлеп сырғанаушы Илья Малнини көш бастап тұр. Екінші орынға 5 096 ұпаймен жапондық мәнерлеп сырғанаушы Юма Кагияма жайғасқан. Ал үшінші орынға табан тіреген отандасымыз Михаил Шайдоровтың еншісінде 4 961 ұпай бар.

Миландағы қысқа бағдарламадан кейін Шайдоров шартты түрде бесінші орында болды. Еркін сырғанау бағдарламасында қажетті төрт секірудің орнына бес рет секіріп, барлығы 291,58 ұпай жинап, бірінші орынды иеленді. Юма Кагияма күміс, ал оның отандасы Шун Сато қола медаль жеңіп алды.

Қазақстан Республикасының Президенті Олимпиада чемпионы Михаил Шайдоровты ІІ дәрежелі «Барыс» орденімен марапаттады.

Өз тілшіміз



Михаил Шайдоров – ОЛИМПИАДА ЧЕМПИОНЫ!

Әрқайсымыздың дауысымыз маңызды!

15 НАУРЫЗ
МАРТА
РЕФЕРЕНДУМ

Важно голос каждого из нас!

www.election.gov.kz

«РЕФЕРЕНДУМ ТАҒАЙЫНДАЛҒАН КҮН ТУРАЛЫ»

2026 жылдың 15 наурызында Республикалық референдум өтеді. Референдумға қатысу құқығына 18 жасқа толған Республика азаматтары ие болады. Референдум ерікті қатысу, еркін ерік білдіру, сондай-ақ азаматтардың жалпыға бірдей, тең, тікелей және жасырын дауыс беру қағидаттарына сай өтеді. Референдумда «Жобасы бұқаралық ақпарат құралдарында 2026 жылғы 12 ақпанда жарияланған Қазақстан Республикасының жаңа Конституциясын қабылдайсыз ба?» деген сауал қойылады.

Әрқайсымыздың дауысымыз маңызды!
Қазақстан Республикасының Орталық референдум комиссиясы

*Көгалдандыру

Баптаса, бәрі шығады бізде

КӨҒАЛДАНДЫРУ ЖҰМЫСТАРЫ ОБЛЫС ӘКІМДІГІ МЕН Өңірдегі ірі мұнай-газ кәсіпорындары арасында жасалған келісімшарт аясында жүзеге асырылды.

Бұл меморандум 2021 жылы қабылданған. Содан бері жасыл желек көлемін арттыру бағытындағы жұмыстар жүйелі түрде жүргізіліп келеді. Қазір отырғызылған көшеттердің сақталу деңгейі 70-80 пайызды құрайды.

2021 жылдан бастап жобаға төрт ірі кәсіпорын тартылып, 5-10 жыл мерзімге ағаш отырғызу және оларды тұрақты күтіп-баптау міндеттемесі бекітілген. Осы уақыт аралығында 300-ден астам гектар аумаққа 331 мың түп ағаш көшеті егілді. Көгалдандыру шаралары Мақат, Жылыой, Исатай және Қызылқоға аудандарында да жүргізілді.

Облыстық табиғи ресурстар және табиғат пайдалануды реттеу басқармасы басшысының орынбасары Зарина Тұрбаева 2026 жылы көгалдандыру жұмыстарын жалғастыру үшін жаңа компаниялармен меморандум жасалатынын баяндады.

Жүзеге асырылып жатқан жобалар өңірдің экологиялық ахуалын жақсартуға және тұрақты дамуына бағытталған.

Өз тілшіміз

*Әріптес әлемі



ӘЛЕУЕТІ ӘРІПТЕСІМ, ӘРІ ҚҰРДАСЫМ, ӨЗІНІҢ ЖУРНАЛИСТИК ЕҢБЕК ЖОЛЫҢЫҢ ШИРЕК ҒАСЫРДАН АСТАМ УАҚЫТЫН БАЙЫПТЫ ДА, БАЙСАЛДЫ БАС РЕДАКТОР РЕТІНДЕ ҮЗДІКСІЗ ШЫҒАРМАШЫЛЫҚ ІЗДЕНІСТЕ, АТ ҮСТІНДЕ ӨТКІЗГЕН ИСАТАЙ ҚҰНДЫЗБАЙҰЛЫ ТУРАЛЫ ОЙ ТОЛҒАП, ҚАЛАМ ТЕРБЕУ ОНША ОҢАЙҒА СОҚПАЙТЫНЫН СЕЗІНДІМ.

облыстары бойынша меншікті тілшісі қызметін абыроймен атқарды. Кейіннен Атырау телерадиокомпаниясында жауапты редактор, облыс әкімінің баспасөз хатшысы, «Ақ Жайық» газеті бас редакторының орынбасары, қазақша басылымының жауапты редакторы қызметін

қызмет атқарды. Осы жылдар ішінде «Қазақстанның мәдениет қайраткері», «Қазақстанның Құрметті журналисі», «Ақпарат саласының үздігі» атақтарымен (төселгілерімен) марапатталды. 2023 жылы Қазақстан Республикасы Президентінің Жарлығымен «Ерен еңбегі үшін» мемлекеттік медалімен наградталды. Екі мәрте Қазақстан Журналистер Одағы сыйлығының және Атырау облысы әкімінің Тауман Амандосов атындағы сыйлығының лауреаты атанды. Жылыой ауданының Құрметті азаматы. 2023 жылы Қазақстан Жазушылар Одағына мүшелікке қабылданды. 2025 жылдың шілдесінен бері Атырау облыстық

Үзгесінде тұрған ұл



Адам баласы шыр етіп жерге түскен бойда оның маңдайына тағдыр талайы жазылады деген тәміл бар. Сол бүкіл болашақ өмір соқпағыңды картаға кескіндегендей сызып беретін көрінеді. Өмірбаяндық деректерге үңілсек, Исатай да құс жолындай тозаңытып жатқан сол бағыт ұстар жолынан онша ауытқымаған сияқты. Өйткені қак-соқпен ісі жоқ, адал еңбекпен наным тауып жеп, біреуден ілгері, біреуден кейін дегендей құбатобел ғұмыр кешкен берекелі шаңырақта, мұнайшылар әулетіндегі он баланың бас көтергені Исатайға ғана сол үрдісті бұзып, қоғамдық ойдың қозғаушысы-журналист болу бақыты бұйырған екен.

Бірақ ол бірден талантты журналист болып, аспаннан аяғы салбырап түсе қалған жоқ. Оған адал еңбегімен, шығармашылық ізденісімен өрмелеп жетті. Ақыры бала күнгі арманы алдамапты. «Тырнақалдысын» өзі оқитын Қаратондағы Крупская атындағы мектеп хабарларын жазудан бастаған Исатайды мұнай кәсіпшілігі тақырыбы да қызықтыра түсті.

Арманға апарар жол

Аудандық «Ембі» газеті мен республикалық «Қазақстан пионері» газетіне үзбей жазып, қаламы ұшталған жас тілші дуалы ауыздарға ілікті. Алғашқы «Қорадағы костер» атты шағын әңгімесі республикалық балаларға арналған бөйгеді бас жүлде алған он бес жастағы бозбала Исатай Құндызбайұлы көрнекті акын Фариза Оңғарсынованың шақыртуымен Алматыға сапар шегіп, іле-шала тілшілердің республикалық семинар-кеңесіне қатысып, қуанғаннан төбесі окке жеткендей болады.

Ол ол ма, сол жолы бас бәйгесінің байғазысына ұйымдастырушылар үздік жас тілші ретінде қолына сол кезде атағы жер жаратын Қырымдағы Бүкілодақтық «Артек» пионер лагеріне жолдама береді. Сөйтіп, бір-ақ күнде басына бақыт құсы қонақтағандай алабұртқан көңілі алып ұшып, туған ауылына жеткенде ерте есейген Исатайды тағы бір жақсы жаңалық күтіп тұр еді.

«Әке – балаға сыншы» дегендей, майталман мұнайшы, үйелмелі-сүйемелі он баланың әкесі Құндызбай ағамыз да аяқ астынан шешім қабылдап, ауылдастарын жинап, дастархан жайып үлкендердің батасын алды. «Исатайым күні ертең мектебін бітіріп, жоғары оқу орнына түсуі керек. Қалаға қатынап оқу қиын болады. Сондықтан қалаға көшуді ұйғардым» деп сөздің тоқтатын айтқанда ауылдастары қапелімде абырап қалып еді. Бауыр еті

– баласының болашағын ойлаған әке осы Құндызбай ағамыздай-ақ болсын.

ҚазМУ. Журфак

Сол үлкендердің батасымен туған топтырағы Қаратоннан басталған сүрлеу жол Исатайды асқаралы Алатаудың баурайындағы әсем қала Алматыға бастады. Күні кеше мектеп қабырғасынан шыққан бота тірсек бозбаланың жолы болып, сынақтардан сүрінбей өтіп, ҚазМУ-дың журналистика факультетінің студенті атанды. Курс жоғарылаған сайын қоғамдық жұмыстар да біраз мойынға ілінді. Бірақ соның бәріне уақыт тауып, сабағына да тыңғылықты дайындалуды өдетке айналдырған Исатай Құндызбайұлы бірте-бірте шығармашылық жұмысқа да ден қойды. «Екеу» деп аталатын алғашқы әңгімесі атақты сөз зергері, талантты сыншы Зейнолла Серікқалиевтің алғысөзімен авторлық жинаққа енді.

«Теңіздің дәмі тамшыдан» дегендей, оның шығармашылық аяқ алысына сүйсініп: «болашақта жазушы болары анық» деп сенім артқан ҚазМУ-дың №5 жетекханасы жанындағы жазушы М.Сералин атындағы әдеби бірлестікке бірауыздан төраға етіп сайлады. Қазіргі мүйізі қарағайдай жазушылар Жаңабек Шағатаев, Жүсіпбек Қорғасбек, Нұрғали Ораз, Сәбит Дүйсенбиев, өмірден ерте озған Нұрлан Мәукенұлы, Бейбіт Құсанбек, Есжан Айнабеков, тағы басқа танымал қаламгерлер өздерінің өлеңдері мен прозалық туындылары бірлестік талқысына салып, оған әділ төрелік жасап, болашақтарына жол сілтеген де осы біздің Исекке екенін біреу білсе, біреу білмес.

Бағындырған белестер

Сонымен сағымдай сырғып, «қайда екен қайда сол жылдар, махаббат қызық мол жылдар!» дегендей көңілге қимастық, жүректенген тәтті бір сезім сыйлаған студенттік бес жыл да өте шықты.

Жоғары оқу орнын 1983 жылы үздік бітіріп, дипломын алған бойда Исатай Құндызбайұлы жолдамамен Атырау облыстық «Коммунистік еңбек» газеті редакциясында тілші, аға тілші, бөлім меңгерушісі болып қызмет атқарды. Қаламы төселіп, газет жанрларын жан-жақты меңгеріп, кәсіби шыңдалу мектебінен өткен ол арнайы шақыртумен жаңа қызметке қабылданды. Ол 1990-2000 жылдар аралығында республикалық «Лениншіл жас» («Жас Алаш») газетінің еліміздің батыс

2010-2020 жылдың тамызына дейін Атырау облыстық «Атырау» газетінің бас редакторы болып қызмет атқарды. Осынау шығармашылық ізденіске толы жылдар өз жемісін берді. Газет ішіндегі газет, барлық негізгі салаларды қамтитын арнайы қосымшалар, елді елең еткізгерлік мақаланың ішкі мазмұнымен жымдасып, үндесіп тұратын айдарлар, әлеуметтік-экономикалық мақалалар жарық көрді.

қосалқы негізде атқарды. 2004 жылдың қаңтарында республикалық «Алтын орда» газеті бас редакторының бірінші орынбасары қызметіне келіп, кейін оның бас директоры-бас редакторы қызметіне тағайындалады. Ал 2010-2020 жылдың тамызына дейін Атырау облыстық «Атырау» газетінің бас редакторы болып қызмет атқарды. Осынау шығармашылық ізденіске толы жылдар өз жемісін берді. Газет ішіндегі газет, барлық негізгі салаларды қамтитын арнайы қосымшалар, елді елең еткізгерлік мақаланың ішкі мазмұнымен жымдасып, үндесіп тұратын айдарлар, әлеуметтік-экономикалық сараптамалық мақалалар жарық көрді.

Ақпарат айдынында желкені желге керген кемедей үнемі шығармашылық ізденіс үстінде алға жылжыған Исатай Құндызбайұлы 2020 жылдың қыркүйегінен бастап Атырауда жаңадан ашылған республикалық «Сарайшық» әдеби-мәдени, тарихи-танымдық журналының негізін қалаушы, әрі бас редакторы қызметін атқарды. Ал 2021-2024 жылдар аралығында, яғни зейнеткерлік демалысқа шыққанға дейін «Атырау-Ақпарат» ЖШС бас редакторының орынбасары болып

«Журналистика – шығармашылық өмір күшінің ең соңғы тамшы қанына дейін сорып алатын аяусыз аш сүлік. Бірақ біз сезіміміз бен кез-келген оқиғаны лайықты қабылдау қабілетімізді тұрақты түрде бабында ұстауға жәрдемдесетін мұндай керемет жаттығуды ешбір жерден таба алмайды...» деген екен атақты жазушы, Нобель сыйлығының лауреаты Габриель Гарсия Маркес. Ендеше, сол жаттығу алаңында жолыққанша!..

Нұрым ЕРҒАЛИЕВ,
Қазақстанның Құрметті журналисі

ардагерлер кеңесі төрағасының орынбасары қызметін қоғамдық негізде атқаруда.

«Мен мұнайшыларды жазуға келдім!»

«Мен мұнайшыларды жазуға келдім!» Бұл «мұнайшылар әулетінен шыға тұра политтехна бармай, неге журналистиканы тандадың?» деген профессор Т.Амандосовқа берген он жеті жастағы студент бозбала Исатай Құндызбайұлының нақты жауабы.

Ол өзінен үміт күткен ұстазын жерге қаратқан жоқ, айтқан уәдесінде тұрды. Мұнайшылар өмірі, өңірдегі газ-химия кешені өндірісін дамытудың жай-жапсары, экологияны сауықтыру мақсатында жыл сайын «Теңізшевройл» бірлескен кәсіпорны ұйымдастыратын журналистер арасындағы байқауда топ жарып, бірнеше мәрте жеңімпаз атанды. Мұнай тербелмелері арасында, мұнайшы отбасында мұнай иісін сезініп өскен журналиске мұнай тақырыбын қопара қазып жазу онша қиынға түскен жоқ. Басың қататын экономикалық цифрлық көрсеткіштерді де орын-орныммен пайдаланып, өндіріс орындарынан жазған сараптамалық мақалаларын зергер соққан бұйымдай жұтындырып қойды. Әрі ұғынықты, тілі шұрайлы, оқуға да жеңіл. Ол өзінің «Жазушының жан сыры» атты кітабының «Мұнайлы өлке мұнаймайды» деп аталатын тұтастай бір бөлімін мұнай тақырыбына арнады.

Олардан басқа Каспийдің бағалы байлығы – бекіренің қорын көбейту, жастардың тұрғын үйге мұқтажыды, қазақ ауылының шынайы ахуалы, олардағы әлеуметтік проблемалар туралы сараптамалық мақалалары кезінде қоғамның назарын өзінде аударды.

Ол өзінің өмір жолында жолыққан рухы биік жақсы адамдары, шығармашылығына бағыт берген санасы сәулелі редакторлары, қоғам қайраткерлерімен бірге жүрген сәттер туралы жазылған көңіл түкпірінде қалған естеліктері де тұңғыш бір терең ойға жетелегендей.

NCOC барлық мүдделі тараптарды «Атырау облысындағы теңіз кешені үшін 2026 жылға арналған қоршаған ортаға әсер етуге рұқсатты жаңартуға өтінім құжаттарының жиынтығы» тақырыбындағы қоғамдық тыңдауға қатысуға шақырады.

Күні мен уақыты: 2026 жылғы 27 наурыз, сағат 15.00
Өткізілетін орны: Атырау облысы, Атырау қ.ә., Дамбы а.о., Дамбы ауылы, Мардан Арыстанов көшесі, 30. Мәдениет үйі.
Аумақтың географиялық координаттары: 46°26'13", 52°16'04".
Әсер ету аймағының географиялық координаттары: Оңтүстік - 46°13' 43.963", 52°15' 40.657".
Батыс - 46°26' 34.977", 51°58' 47.734".
Солтүстік - 46°38' 0.968", 52°16' 14.398".
Шығыс - 46°26' 11.521", 52°33' 55.291".

Қоғамдық тыңдауға ZOOM платформасында төмендегі сілтеме бойынша онлайн қосылуға болады:
<https://zoom.us/j/95398404129?pwd=eV15FPbPBMU1Qf8Wdf0Kqr3vsVzSwD.1>

Конференция идентификаторы: 953 9840 4129

Кіру коды: 821593

Бастамашы: НКОК Н.В. (Норт Каспиан Оперейтинг Компани Н.В.), БСН 000241000874, филиал: Атырау қаласы, Смағұлов көшесі, 8-үй, тел.: +7 (7122) 92 27 03

Әзірлеуші: «ЭКО-Астана НР» ЖШС мекен-жайы: Астана қ., Сығанақ көш., 58/1 үй, 10 кенсе, эл. пошта мекен-жайы: manager@ecoastana.kz телефон: +7(7172) 33 04 37

«ЭКОЭКСПЕРТ» ЖШС мекен-жайы: Қарағанды қ., Лобода көш., 40 үй, эл. пошта мекен-жайы: info@ecoexpert.kz телефон: +7(7122) 42 56 17

«Sustainable ecology development» ЖШС мекен-жайы: Алматы қ., Асқаров көш., 3 үй, эл. пошта мекен-жайы: sed@sed.kz телефон: +7(7272) 47 23 23, +7(7272) 47 26 26, +7(7272) 47 26 36

Жобалық құжаттама <https://ndbecology.gov.kz> сайтында жарияланған.

Жоғарыда аталған жоба бойынша ескертпелер мен ұсыныстарды Атырау облысының табиғи ресурстар және табиғат пайдалануды реттеу басқармасына (Атырау қ., Әйтеке би к., 77, atr_priroda@mail.ru, atr.priroda@atyrau.gov.kz) және Атырау облысы бойынша экология департаментіне (Атырау қ., Құлманов көшесі, 137, atyrau-ecoder@ecogeo.gov.kz) жолдауға болады.

ЖАО сайтына сілтеме: <https://www.gov.kz/memleket/entities/atyrau-tabigat?lang=ru>

Қосымша ақпаратты Zhanat.Kozhan@ncoc.kz эл. адресі мен +7 (7122) 92 27 03 телефон нөмірі бойынша байланысып алуға болады.

Ескертпе:

NCOC компаниясы 2026 жылдың наурыз айының 19 күні сағат 10.00-ге жоспарланған қоғамдық тыңдаудың наурыз айының 27 күні сағат 15.00 -ге ауысқанын хабарлайды.

NCOC барлық мүдделі тараптарды «Қашаған кен орны нысандарын жайластыру. Теңіз кешені. Су түбін жөндеп тереңдету» жобасының ҚОҚ бөлімі бойынша 2026 жылға әсер етуге экологиялық рұқсат алуға өтінім құжаттарының жиынтығы» тақырыбындағы қоғамдық тыңдауға қатысуға шақырады.

Күні мен уақыты: 2026 жылғы 1 сәуір, сағат 10:00

Өткізілетін орны: Атырау облысы, Атырау қ.ә., Дамбы а.о., Дамбы ауылы, Мардан Арыстанов көшесі, 30. Мәдениет үйі.

Алаңның географиялық координаттары және әсер ету аумағының географиялық координаттары: 46°27'12.4», 52°14'26».

Қоғамдық тыңдауға ZOOM платформасында төмендегі сілтеме бойынша онлайн қосылуға болады:

<https://zoom.us/j/99039468437?pwd=XsuqbXIFIDXRdEblCHlkoVSuTs7fo0.1>

Конференция идентификаторы: 990 3946 8437

Кіру коды: 870423

Бастамашы: НКОК Н.В. (Норт Каспиан Оперейтинг Компани Н.В.), БСН 000241000874, филиал: Атырау қаласы, Смағұлов көшесі, 8-үй, тел.: +7 (7122) 92 27 03

Әзірлеуші: «ЭКОЭКСПЕРТ» ЖШС, Қарағанды қаласы, Лобода көшесі, 40, тел.: +7(7212) 42 56 17, +7 (7212) 90 46 18, +7 700 484 7790.

Эл. адрес: info@ecoexpert.kz

Жобалық құжаттама <https://ndbecology.gov.kz> сайтында жарияланған.

Жоғарыда аталған жоба бойынша ескертпелер мен ұсыныстарды Атырау облысының табиғи ресурстар және табиғат пайдалануды реттеу басқармасына (Атырау қ., Әйтеке би к., 77, atr_priroda@mail.ru, atr.priroda@atyrau.gov.kz) және Атырау облысы бойынша экология департаментіне (Атырау қ., Құлманов көшесі, 137, atyrau-ecoder@ecogeo.gov.kz) жолдауға болады.

ЖАО сайтына сілтеме: <https://www.gov.kz/memleket/entities/atyrau-tabigat?lang=ru>

Қосымша ақпаратты Zhanat.Kozhan@ncoc.kz эл. адресі мен +7 (7122) 92 27 03 телефон нөмірі бойынша байланысып алуға болады.

ҚР Экология кодексінің (96-бабы) талаптарына сәйкес 2026 жылғы 7 сәуір сағат 10.30-де «АЛИЕВ М.И.» ЖК көздерінен атмосфераға ластанушы заттардың рұқсат етілген шығарындылары нормативтерінің (тузету) жобасы» тақырыбы бойынша қоғамдық тыңдау өтеді.

Учаскенің географиялық координаты: 47°12'18.45», 51°98'90.02».

Өтетін орны: Атырау облысы, Атырау қ., Г.Абдрахманов к-сі 18, «Диас» мейрамханасының конференц-залы.

Қоғамдық тыңдауға ZOOM платформасында төмендегі сілтеме бойынша онлайн қосылуға болады: <https://us05web.zoom.us/j/88468087541?pwd=vrcu8luwNQCvPNoYuhE66wRocKWsac.1>

Конференцияның идентификаторы: 884 6808 7541, кіру коды: 123456.

Бастамашы: «АЛИЕВ М.И.» АҚ, БСН: 500910301515, Атырау қ., М.Қазрет к-сі 1 құрылыс, тел. 87758818888, brickatyrau@mail.ru.

Әзірлеуші: «Еко-Мир» ЖК, БСН: 820101300684, Атырау қ., С.Өтебаев к-сі 28, тел: 87016162299, esomir7@mail.ru.

Жобалық құжаттама <https://ndbecology.gov.kz> сайтында жарияланған.

Жоғарыда аталған жоба бойынша ескертпелер мен ұсыныстарды Атырау облысының табиғи ресурстар және табиғат пайдалануды реттеу басқармасына жолдауға болады (Атырау қ., Әйтеке би к., 77): ekspertizyupr@mail.ru, atr.priroda@atyrau.gov.kz.

ЖАО сайтына сілтеме: <https://www.gov.kz/memleket/entities/atyrau-tabigat?lang=kk>.

Қосымша ақпаратты esomir7@mail.ru эл. адресі мен 87016162299 телефон нөмірі бойынша байланысып алуға болады.